

JOHANN MARTIN
HOPPE, THEODOR ASMUSS,

Plattdeutsche Gedichte

Dorpat : T. Hoppe
1853

EOD – Millions of books just a mouse click away! In more than 10 European countries!



Thank you for choosing EOD!

European libraries are hosting millions of books from the 15th to the 20th century. All these books have now become available as eBooks – just a mouse click away. Search the online catalogue of a library from the eBooks on Demand (EOD) network and order the book as an eBook from all over the world – 24 hours a day, 7 days a week. The book will be digitised and made accessible to you as an eBook.

Enjoy your EOD eBook!

- ⌚ Get the look and feel of the original book!
- ⌚ Use your standard software to read the eBook on-screen, zoom in to the image or just simply navigate through the book
- ⌚ *Search & Find:* Use the full-text search of individual terms
- ⌚ *Copy & Paste Text and Images:* Copy images and parts of the text to other applications (e.g. word processor)

Terms and Conditions

With the usage of the EOD service, you accept the Terms and Conditions provided by the library owning the book. EOD provides access to digitized documents strictly for personal, non-commercial purposes. For any other purpose, please contact the library.

- ⌚ Terms and Conditions in English: <http://books2ebooks.eu/odm/html/utl/en/agb.html>
- ⌚ Terms and Conditions in Estonian: <http://books2ebooks.eu/odm/html/utl/et/agb.html>

More eBooks


Already a dozen libraries in more than 10 European countries offer this service.

More information is available at <http://books2ebooks.eu>

Plattdeutsche Gedichte

von


Martin Asmus.



Dorpat 1853.

Theodor Hoppe.

ht.



5371

sooditoldid i 396 96261

alastisestviku

Druck von W. Steinmüller in Düben.

An

Peter Martin Thun.

V ö r w a r k.

Mien söte Modersprak, siet langen Jahren
Verneem mien Ohr von di keen Spell,
Doch mutt in deper Bost ic̄ di bewahren,
Du trute Sprak, so wahr un hell,
As up'n Barg de klare Quell!

Wat hew ic̄ denn ok̄ hüt woll to befahren,
Datt ic̄ versök mit di to verseleren,
Un de Poeten deger to verferen?

Du büſt keen Nachtigal! Ja! dat is wahr!
Doch as de Lewark kannst du ümmer singen;
Un de nich hören will, geit unner dör.

Nu, Junfer Muse, fleit se uns wat vör,
Mi fall dat Hart dabi vör Hägen springen;
Ich sing' dato, so givt wat Nie's von't Jahr.

Dat Damp-Schipp.

Vörwark.

Hör to, ich will di een Geschicht vertellen,
 Von Häg' un Lust, von Angst un Dodespien,
 Von Für un Wind, von Water un von Wien,
 Un von den braven Stahl un sien Gesellen.
 Von hunnert sief un föstig, de de Dod
 Betekend har, as weren se all sien,
 Un von dat aische Ding, dat Mien un Dien,
 Un wat de Minschen sünd: half böß, half god.
 Dat Allens sing ich, leen mi nu dat Ohr,
 Un hör: Datt Buren sünt as ähr Pastor,
 Un datt in E***** de Leew nich wahnt;

Datt Stahl nich rustert, ward he noch so natt,
Un datt et anners kümmit, as uns et swant,
Datt in de Welt veel witt sien full, wat swatt!

I.

De Winter is nich mehr to Last,
 De Böm' de slagt de Ogen up,
 De Winter sleit sien Is = Pallast
 Des Summerdags an Nordpol up,
 De Kranich un de Adebar
 Begevt sick nu up Reisen gar.

In wo dat Geld in Büdel klingt,
 Da is de Minsch flink up de Been,
 Ruhm hört he, datt de Lewark singt,
 Will he sick of de Welt besehn;
 Nu packt he in, haalt sick en Paß,
 Un reist herüm för diver un dwas.

So was et in de Neva = Stadt,
 Als da sick sehn leet Lenz un Mai,
 Da reisten se up drög un natt,

Un weren lustig: Hopp! Tschhei!
 In't Butenland, in't Butenland!
 In't Bad! Da is dat gar scharmant!

So'n Damp-Schipp is en egen Ding,
 Gen wunnerliche Waterpost,
 Alan Wind un Segel geit dat flink,
 Man datt et veel Dukaten kost,
 Doch büst du drin, kühm is et fort,
 So büst du ok an Stell un Ort.

So'n Ding in Kronstadt lehg parat,
 De Kommandör was Kaptein Stahl,
 Gen Seemann, wacker fröh un spät,
 Bull Mod un Spod ok alltomal,
 De Bülgen kennt, un Wind un See,
 Keen Bangbücks, keen Herr Jemine!

Düt Damp-Schipp full na Lübeck gahn,
 Un öwer Hunnert wullen mit;
 Nümms drömt da von den roden Hahn,

De bald dat ganze Schipp upfritt;
 Sehg' man se an, se sehgen all
 So lustig ut, as günstt tum Ball.

De Wind was god, dat Water still,
 Dat Schipp gung prächtig, as en Swon;
 Nu har wol Jeder, wat he will,
 Un kunn na sienem Wünschen dohn;
 Hier spröken se, da speelt se Kart,
 Da geit dat recht na Lust un Art.

So gung dat Sündag, Maandag fort,
 Bitt Dingstag Namiddag up't Best;
 Da leht de Wind sien goden Ort,
 Un blas' von Fleszen ut Süd-West.
 Burr hier un da of Ener still,
 Dat ännert nicks, wenn Gott nich will.

As Midwäl fröh keek ut de See
 De Insel Rügen, föhrt se an,
 De See de schümt so witt as Sne;

Se gew't de Brew' den Fischedmann;
 Nu geit dat wedder langsam fort
 Na Lübeck, na den netten Ort.

Süd-West weiht ümmer mehr un mehr,
 De Dampmaschin' deit, wat se kann,
 Doch was de lehge Wind kusträr,
 So keem de swarte Nacht heran.
 De Lüchtentoorn von Travemünn'
 De was ähr Maan, de was ähr Sünn'.

Doch, Kaptein Stahl maakt torecht,
 Datt Jeder glied sien Sack un Pack
 Kann hebb'en, wenn dat Schipp anlegt,
 Süß stiegt se em to hild to Dack;
 To Koi was all mennig gahn,
 Denn twölf wull ok de Klock bald slan.

In de Kajüt seht se biem Spill,
 Un deden as weert se to Huhs,
 De Wind de weiht, süß was et still,

So still as rögt sick nich en Muus;
 Man Bülgenstag, Maschien' un Ratt
 De suhst' un bruhsten sick nich satt.

De Kommandör, Herr Kaptein Stahl,
 De will hüt nich to Koi gahn,
 He geit na de Kajüt hendahl,
 Un blißt ganz still biem Speeldisch stahn,
 Un segt: Wi slapt bitt Modden fröh,
 Denn sünd wi da, denn weck ic se.

II.

Dat Spill is noch nich ut,
 Da rasselt wat up't Deck,
 De Kummardör geit henn,
 Nu denkt ju sienen Schreck,
 He führt, se smiten Für
 Un Flammen över Bord,
 Un „Für! Für! Et brennt!“
 Dat hört man fort un fort.

Dat was en Jammer grot,
 Da jammert Jung un Olt;
 De Dod im Für so heet,
 Im Water isig kolt;
 De Mann de röpt sien Fru,
 De Moder nimmt ähr Kind,
 Un Qualm un Rok un Angst
 De mahlt se dosf un blind.

Man Stahl, de Kummardör,
 De unglückselig Mann,
 Em seht de Kopp noch fast,
 Man sehgt den Moth em an;
 Jungs! röp he, över Vord
 Stracks mit de Pulvertunn'
 Denn vörwärts, bitt wi hett
 Mit Gott den Strant gewunn!

Glied dot se, wat he segt,
 He kummandeert alleen;
 Da geit et ümmer god,
 Wo All up Enen sehn!
 Nu geit dat fort un fort
 In Flammen dör de Nacht,
 Stahl höllt sick an sien Gott,
 De hölp em as he dacht.

Se weren All erstickt,
 Was nich de Wind kunträer,
 So gung dat langsam henn,
 De Angst wurr ümmer mehr;

Dree sprungen över Bord,
 Se kemen of an't Land —
 De Dod neem se in Arm
 Un legt se up'n Strand.

Dat Für brennt lichterloh,
 Dat Deck was bald to kleen
 Un ümmer was dat Land
 Von widem man to sehn;
 Doch endlich, Gott sie Dank,
 Klock twee, da rönn' dat Schipp,
 Bina een Füerbrand,
 Mit Raastern up de Klipp.

Süß was dat Dodgesehr,
 Nu hang' dat Leben dran,
 De Bülgen flögen hoch,
 Un Land woll Fru un Mann;
 Se nehmt dat grote Boot,
 Un smietent över Bord,
 Dat ward of strack's terschelst,
 Un gung in Stücken fort.

Nu weren noch twee Bööt'
 Mit Ruum für twintig Mann;
 Da rückten nu in Angst
 De Reisenden heran;
 Man Kaptein Stahl de stellt
 Matrosen da herüni,
 Mit Messer in de Hand,
 Wer ansaht, bringt se üm.

Matrosen laten nu
 De Bööt' in't Water dal,
 De Mannslüd drängen to,
 Doch wehrt se Kaptein Stahl.
 Biem Bogspriet stahn se heid',
 De Stürmann, de Kaptein,
 Un telln se in de Bööt':
 Man ja nich mehr as tein!

Dat was een Drängen nu,
 Jed' wull de Erste sien;
 Man seh' nicks as den Dod,
 Föhlt nicks as Dodespien;

De armen Fruenslud
 De laat se nich in't Boot,
 De stahn un hebern da
 In Für un Watersnoot.

Pfui, över mien Geschlecht!
 So deit et nich en Deert!
 Hefft Ji keen Moder hatt,
 Datt so Ji Viewer ehrt?
 In Für un Watersnoot
 Laat Ji de Viewer stahn!
 Noch is dat Abend nich,
 Ju kann dat lehg ergahn.

Als nu de groten Herrn
 All Sand harn unnern Foot,
 Da wurren ok erlöft
 De Fruen ut de Root;
 De Kinnerkens half naakt,
 Verblökt un verklahmt.
 Pfui, pfui! Ji aischen Keerls,
 Wat wörd Ji utverschamit.

Gott Loff! Nu sünd se All
 Lebendig kahm an't Land,
 Woll mennig bringt nu Gott
 Sien Dank mit Mund un Hand.
 Doch mennig schellt un flökt;
 Datt Gott sick sien erbarm!
 Süß was he an Gemöth,
 Nu of an Gödern arm.

Wo is doch Kaptein Stahl?
 De sitt noch da, wo't brennt;
 Dat is een braven Mann,
 De sienen Herrgott kennt;
 Dat Für makt em gluh,
 Dann springt he in de See,
 De Stürmann achter in:
 De much geern sien as he!

De vader van den kinder is. *Habt' habt'*
 De vader van den kinder is. *Habt' habt'*
 De vader van den kinder is. *Habt' habt'*
 De vader van den kinder is. *Habt' habt'*

III.

„Habt' nu alsdit plattin doet'
 Ach, Travemünn' is wiet,
 Noch wiet von Klüsserort,
 Sehg wi man erst een Dörp,
 Dann hülps de Buur uns fort.
 Wenn wi man erst da hawen weern,
 De Buur in Klüss de hülps uns geern.

Dat Dener was so hoch,
 De Kinner möd' un swar,
 De Kleder natt un kold
 Un Kopp un Foot was bar.
 Wer stark is, stigt de Klipp henan:
 Wo blifft de möd' is, un't nich kann?

Stahl de wuß wedder Rath.

„Matrosen, nehmt de Kinner,
 Datt licht de Fruens gaht!“

Nu was de Laſt all minner.
 So kamt ſe All de Klipp henan,
 Ok de, de möd' is, un't nich kann.

Ach, E*****
 Ach, Minschen wahnen da,
 De plägt ſe heel gewiſz,
 Un gäwt wat bie un nah.
 Herr Jeſhs! wi heſſt uns doch verfehn!
 Se wiest ſe aff, un laat ſe teen.

Da is en apen Door,
 Grad öwer ligt de Kark,
 Da wahnt de Herr Pastor,
 Weldoon dat is ſien Wark.
 De giwt ſien Peer bitt Travemünn',
 Un deed he't nich, fo deed he Sünn'.

He hett et doch nich dahn!
 He hett mi recht verfehrt!
 De Buur har't nich verſtahn,

Hart de Pastor nich lehrt!
De Herr Pastor un Schipper Stahl,
De sünd as Swatt un Witt egal.

Gen Buur, een Minsch, een Krei,
So har mien Meder segt,
De sünd noch dreerlei,
Hüt glöw' ic̄, se har recht.
Doch glöw' ic̄, datt he beter wer,
Wenn de Pastor et beter lehr.

Ut is dat lange Leed,
Dat Leed vom braven Mann;
Denn, datt ji et man weet,
Den Stahl geit dat wat an.
Et högt mi, datt ic̄ singen kann
To Loff un Pries dem braven Mann.

Dat Leed von de Crawe.

Crawe, du rennliche Deern, so blank as dat
Sülwer in'n Tegel,

Rümmst du ut Holsteen to uns, ümmer so röhrig
un frisch.

Segen gav' he di hüt, un Segen gäv' he di
all Tied,
He, de allmächtige Gott, de uns behöd un be-
wahrt!

Lustig is et un hübsch bie Gieselrade un Sarau;
Aiver, du blifft nich to Huhs, wist di de Welt
wat beschn.

Medig büst du, 't is wahr: kuhm ut de Weeg'
un in'n Pierock

Is di de See von Wensin gröter nich as'n lütt
Pütt;

Un dasör, all henndör! Dat is dien Spitt un
dien Schild ok!

Slahpmüs leht'st du to Huhs, dat hett mennig
nich dahn. —

Vörwarts geit et nu flink dör Busch un dör
Wisch un dör Wäller,

Fründlich lacht se di an, wo du man geist un
man rönnst.

Awer du hollst di nich up, in Segeberg magst
du nich bliewen,

Olsloh lachst du woll an, awer ok wieder man
nicks.

Warüm löppst du denn so? Ich glöw, de Brü-
digam röppt di,

Un dat wahrt di to lang; heft du dat Töwen
nich leert?

Nee noch een sonn lütt Deern, dien leewe Süster
de BGESTE,

Blänkert all öwer de Wisch, un du fühst se von
fehrn;

Darüm heft du't so hild, nu kümmt bald dien
dubbelt Hilgdach;

Seht, o seht doch! Se hefft sick! So een Leew'
is en Hahgtied,

Un de löset ju nich füllwst de Dod wedder up.
 Heidi! Up un davon nu! Dat is en dwas un en
 dweer gahn!

Twischen de Blömers un Buschwerk, geit dat nu
 henn na Genien,

Awer ok hier is keen hollen; se wölt de Dickmelsk
 nich ähnen,

Noch von de Juden ehr Brod, dat uns in Mois-
 ling so smeckt.

Ne, de Steckniz is hier; se is de drüdde tum
 Kleeblatt;

Seht mi de Hähg un dat Jachtern! gau nu geit
 et na Lübeck.

Gaht mi da man nich henn, denn twischen den
 Wall un de Muhren

Hefft se de Fall ju all leggd, Graben un Slagg-
 bom darto!

Doch, ic̄ wahrschug ümsüß, wat junk is, lätt
 sick nich seggen;

Nu, so lohpt denn dahenn, wer nich will hören
 de föhlt.

Als se nu kähm na de Brügg', de uns den Wech
 wiest na Hollsteen,

Maakt se de Dogen mal grot, wat dat schull
 warden mit ehr;
 Denn dat was ehr doch nie, de groten Schähp
 mit'n Toppmaßt,
 Un de Hüserparad' keek ehr so nett in de Dogen,
 Datt se nich fatt sick kunn sehn, langsam gung
 se verdeept henn,
 Sleht sick sachtliekens vörbie, bitt to de Struhkfähr
 hennto.
 Hier nu nich mehr beraugt, pupper dat Hart ehr
 vör Höge,
 Un se küselt sick recht as se de Wisch un den Brohle
 sehg:
 Schull ic̄ torügg' na de Stadt gahn? Ne, dat
 laht ic̄ man wesen!
 Hier bespegelt sick Hans un Greht un de Mummeln,
 Spiegelt sick Sünn un de Mahn, Stehrn un de
 Häwen sick aff;
 Nachtigal singt hier in Busch, of Lewark hoch
 in de Wolken,
 Abens un Moddens mien Leed, sing ic̄ na ehr
 Melodee;
 Hier behagt mi dat god, in Mahuschiēn un Pog-
 gengequal.

Alls hier mahnt mi an ju, mien Gieselrade un
Sarau!

Kunn ic̄ man gegen den Strom, wehr ic̄ gau
wedder bie ju!

Allso krahm se ehr Hart ut, un vörwärts gung
et mit Süffzen,

Denn et swahn ehr so wat, awer se wüß et
man nich. —

Swartau lehni nu heran. Mit Päpernöt kunn
et woll prunken;

Awer mien Sarauer Deern wull ok̄ de Päpernöt'
nich.

Segg', wer hett di wat dahn? Du geist so
trurig un düster,

Hett in de Nacht di wat dröhmt? Slah di dat
all ut'n Sinn!

Süh, da künmit all de Fähr, de Slukupper Bull
is nich wiet mehr;

Un geit de Sün̄n' wedder up, fühst du den
Lüchtentoorn ok̄.

Darup sehg' se mi an, de nüdliche Dochter von
Sarau,

Süffste un fung mi ehr Leed, dat mi dat Hart
as'n Piel dröhp.

Allso singt woll de Swohn, wenn he de Wellen
verlett.

„Ich weet een Bett, so wehk, so warm,
Dat is de Moder ehr Schoot;
Darin befind' sick rieck un arm
So säker un so god.

Doch männig Kind up düsse Welt
Kennt nich den leeven Dort;
Se kopen em een Schoot vör Geld,
De is sien Hawen un Hорт.

In sülken Grund waht nich so licht
Gen frahm un frie Gemöth;
De Moder=Ogen ehr Sünnenlicht
Sick nich darup ergöht.

Mien was dat all, ich glücklich Deern!
Doch löhp ich in de Welt.

Nu ic't nich hew', nu har' ic't gehrn,
Un leewer as God un as Geld.

Mien Lewen is woll bald vörbie,
Ich hör all dat Bruhsen der See;

Lew woll, mien Sarau, gedenk an mi!
Tröhst Moder in ehrem Weh!

Gewaltig thüt mit Dewermacht
De See mi in den Grund!

Nu geit se an, de lange Nacht,
Darin wi ward' gesund."

So vernehm ic̄ dat Leed, dat wieder un wieder
verhallte,

Bitt et vör Bülgengebruhs nich to vernehmen
mehr was.

Lang noch stunn' ic̄ am Strann' un schöht den
Blick in de Fehrn,

As leew Hero hett dahn, da Leander ehr utbleew
Alwer ic̄ sehg se nich mehr, de nüdliche Dochter
von Sarau;

Deep im Harten bedröwt gung ic̄ na Lübeck
torüch.

As ic̄ de Lühd' dat vertell', da wulst se dat
sähker nich glöwen,

Sähden: De Tram' is noch da! Alwer se wähten
dat nich!

Wat se da fleeten noch seht, dat sünd de Moder
ehr Thränen,

Ach! de lohpen di na! Söhken, di Dochter,
allehn!

Dat Leed von den Hirsch.

I.

Rummt her un sett ju all in Kring,
 Un hört, wat ich vertellen will,
 Un häwelt nich, sitt müschenstill,
 Wat ich vertell', beholt et flink!
 Dat is biena nu dusend Jahr,
 Datt Karl de Grote Kaiser was,
 Em seht nich Kopp nich Hart verdiwas,
 Un wat he wull, dat wur em klar.

De Heiden leet he eenmal nich,
 Da gung he henn mit blanken Swert,
 Un leht nich af, bitt se bekehrt,
 Dat könnt ji glöwen sekerlich.

So tög he ok in't Sassenland,
 Da wahn en düchtig Minschenschlag,
 De stunn em mennig Jahr un Dag,
 So piel, as eene Felsenwand.

Doch Karl, de wunnergrote Held,
 De was as Ekelom in den Forst;
 De was as Adler up sien Horst,
 Un leet de Sassen nich dat Feld.
 As dree un dörtig Jahr vörbie,
 Da was de Elf' de grote Schal,
 Darin he döpt se altomal,
 Un maakt dat Land von Gözen frie.

Nu kehm dat Swert to Ruh un Rast,
 Vorbie was Minschenjagd un Slagt;
 Nu wurr up Hög' von allmann dacht,
 Se föhlt sick feler, as en Gast.
 Dat gung nu Hüssach! dör den Wald,
 Mit blanken Jagdspitt, Hunn' un Hoorn
 Bruhs' Hingst un Rüder dör de Dohrn,
 Datt wiet umher et knallt un schallt.

Hört, wat dat rahstert deep in Busch!
Hört, dör de Telgen bricht mit Macht
Sick wat hervör ut Waldesnacht!
Nu is dat wedder still un kusch?
Dat ruscht allwedder! Still, ganz nah
Kümmt uns de Telgenbräker! Still!
Wer weet, wat dat noch warden will!
Ah! Seht! En Hirsch! Nu steit he da!

Nich wieder kann he! Ach, en Aß
Hett sick in siene Hör'n verschlung'n,
Un düffen lecken Löper dwung'n;
He ritt un splitt: doch blifft he fast.
Em schümt dat Muul, so witt as Snee,
Em will de Luft biana vergahn;
He kann fast up keen Been mehr stahn,
Un sinkt mit eenmal in de Kne.

Da bruhst de Hingst mit Kaiser Karl heran
All wat he kann;
Et glänzt dat Jagdspitt von poleertem Stahl
Im Sünnenstrahl;

He führt den Hirsch, de Anblick hemmt den Arm:
Wat up de Kne liegt, sind bie em Erbarm.

He stöttt in't Hoorn, datt wiet et in den Wald
Mit Machten schallt;
De Jägers kam up den bekannten Roop
Stracks all to Hoop;
Se löst dat Deert, un dat is frahm un still,
Geit as en Lamm, wohenn de Kaiser will.

Et was dem Kaiser nu, von düsse Stund'
Tru as en Hund;
He legt em um den Hals von Deamant
En prächtig Band;
Un wo he gung un stunn, was of dat Deert,
Un was Tied Lebens em so leew as werth.

Doch, as dem Kaiser Karl dat Stundenglas
Utlöpen was,
Un he sick in dat letzte Huhs begaff,
In't stille Graff;

Da was de Hirsch mit sinem Halsband fort,
Et sach von nu em nümmis an keenem Ort.

II.

Noch eenmal mutt wi up de Jagd,
Um unsen Hirsch to jagen!
Wörbie was nu de Kriegesnacht,
De Freden wull all dagen.

Wenn Fred' is, denn is leewe Tied,
Dem Buern grönt un blöht de Fliet;
Dat Swert verruht am Nagel.

Seht doch de grünen Felder an,
Un saht de Ogen gräsen,
Un hört den stillen Schäpersmann
Sien Fleit von Widen blasen,
De Traw de blänkert dör dat Land,
De witten Lämmer stahn am Rand
Un kieken in den Spiegel.

Un höger up, de swarte Wald
Von Eken un von Böken;

Hört doch, dat sôte Waldhoorn schallt,
Da laht uns Schatten föken.

Herr Hinrich is ut Brunswiek kahm,
Un schön Mathild', sien trute Dahm:
Im Wald ward wi se sehen.

Ick har wol recht. Da jagt se all:
Böran de Löw' un Tilde.

Dat bruhst un suhst as Waterfall!
Se hefft von Dag' et hilde.
Nu kahnt de Ridders blink un blank,
Uns Burgemeister of da mank,
To Peer fix as to Rathhuhs.

Dat geit Halloh! un Hüssasah!
Man hört dat Hoorn erschallen;
De Hirsch is da, de Hirsch is da!
Hört man et wedderhallen.

Un all Mann is dar achter her,
Bald fühd man keenen Rüder mehr,
Se hett de Wald verslungen.

Dat arme Deert was lehg daran,
 Wat hulp em all sien lopen;
 Hüt wull em jeder Jägersmann
 Sien Fell un Flehsch afkopen.
 Herrn Hinrich was em up de Nath;
 De Annern keemen veel to laht,
 Em har de Löw' all drapen.

Als nu Herr Hinrich neger ging,
 To sehn wat he gefangen,
 Da sach he enen Demantring
 Um sienen Halse hangen,
 Drup stunn geschräwen klar un wahr,
 Datt he vör bald veer Hunnert Jahr
 Was fung'n von Karl den Groten.

Dem Hirsch was ut de Brägenpann'
 En dubbelt Krüz entspraten;
 Da stunn nu Knapp un Riddermann
 Un kunn dat all nich faten.
 En Wunner was et, dat is wahr;

Rümmis sehg mien Dag' en Wunner klar!
Wat helpt da Koppterbräken.

Den Hirsch un Halsband legt se bald
Up enen groten Wagen,
Nu gung dat lustig ut den Wald,
Um na de Stadt to jagen.

Da was de Jubel erst recht grot:
Da blew' nich Blinn', nich Hinkepot
In sien lütt leew' Kabüschen.

In Lübeck was den sülben Dag
De Bischof kahm ut Bremen,
As he dat düre Halsband sach,
Wuß he sick to benehmen.

Erst sach he an den Wunnerring,
Un denn de Ridders all in Kring,
Un säd': Hört to, ji Lüde!

Dat is en wunnersahm Geschick!
Laht wi uns nich bedenken,

Worum uns Gott dütt grote Glück

Dör siene Gnad' lett schenken.

Herr Hinrich, laht ji uns davör

En Huhs em buhn, to siener Chr,

So schön as't nich to finden.

De Löw segd: ja, vör düffen Schatz

Wöl wi een Huhs em buen,

Un in dem Wald fall sien de Platz,

Dem wi et anvertruuen.

Dem Bisshop flirrt de Ogensteern;

Sowat, dat hört he gar to geern,

Un Amen, fäd he, Amen!

Lacht nich öwer de Mär, de ic̄ vörn Dag ju
vertellt heff;

Seht, de prächtige Kark! Huppert vör Häg nich
dat Hart?

Hüht noch steit he, de Dom, in Düster von
Ecken un Böken;

Chrſurcht füllt mi dat Hart, wenn ic̄ den Riesen
mi denk!

Karl de Grote is Stoff, un Stoff is Hinrich de
Löwe;

Awer de Karl steit noch fast; awer de Böm'
sünd noch grön!

Böm' un Karl ward vergahn; awer wat blint
denn von Allen?

Wat na de Heimath sick sehnt, dat geit nich
unner! Gewiž!

De Dodendans to Lübeck.

Up de Döhr.

Kumm man herin un seh mi an,

Un laht di hier nich gruhen;

De Dod is gans een ehrlich Mann,

Du kannst em woll vertruhen.

He kümmt doch eenmal of to di,

Un as en Fründ, dat glöhw du mi.

Maakst du di recht mit em bekannt,

Weht he sick to bequemen,

Un gift di of en sanste Hand,

Um di na Huhs to nehmen;

Denn künmit he nich as Klapperbeen,
Du warst em as en Engel sehn.

Kumm also drießt in düß Kapell
Un seh de Lühd' hier danzen;
Sünd di de Dogen klar un hell,
Vergaht hier Firlefansen.

Denk as de Dod — un Arm' un Rieß
Sünd all dien Bröder — alle glied.

De Dod.

(Afkunterfeiht up't Tittelblatt.)

Mien Fleit erschallt dör de Stille der Nacht,
Man hört se im wilden Getümmel der Slagd;
Un dör de Musik up den lustigen Ball,
Da rieselt se sanft as en Waterfall.

Ji hört se man nich, vör dat Klappern von Geld,
Dat maakt so gewaltigen Larm up de Welt.

Doch, eenmal mutt ji woll alle daran,
Vom Kaiser herunner tum Beddelmann.

Un wenn dat Danzen mit ju angeiht,
Denn hört ji sehker mien söhte Fleit.
Drüm, frisch heran, gewt mi de Hand!
Wi danzen all in't Baderland!

Nu geiht de Dans los!

Pieper, piep up!

D o d.

Kumm, Bader Papst, heran!
Bring' Peters Slötel mit,
Un laht den Tüffel stahn,
De maakt en lehgen Schrit!

Papst.

Dod, hier is miene Hand,

Du büsst en leewer Gast,

Bring mi in't Vaderland!

Wenn man de Slötel paßt. —

D o d.

Stieg aff vom hogen Thron,

Bald büsst du nicks as Stoff.

Verlahren is de Kron!

Dien Volk spricht luhd: Gottloff!

K a i s e r.

Mien Volk is undankbar!

Dod, föhr mi stracks tum Dans!

Mi ward de Oogen klar,

De Welt will Firlefanz!

D o d.

Dien Hand hett Segen veel

Utseiet up de Welt:

Kumm, ic̄ heff diener Seel'
En goden Platz bestellt.

Kaiferin.

De Kaifer is v̄oran?
Ic̄ dank di, leewe Dod!
Wenn ic̄ em folgen kann,
Is Alles recht un god!

Dod.

Herr Kardinal, hallo!
De letzte Dans beginnt!
Hier gung dat lustig to;
Doch, wer hier trurt, gewinnt.

Kardinal.

Nom gaff mi mienem Hot,
De Stohl stehk mi im Sinn;
Hier lewt ic̄ flott un god.
Is dat all mien Gewinn?

D o d.

De König, hüt noch roth
Un blank as Sünneschien,
Is morgen blaß un dod!
Mit di mutt ok so sien.

König.

Hüt morgen dacht ic̄ noch:
En König, de is stark!
Doch kuhm föhl ic̄ dien Toch,
Föhl ic̄ mi as en Dwark.

D o d.

Lat du de Schahp alleen,
Un gah du strack̄ to Ruh;
Se holst sick intgemeen
Für klöker noch as du!

B i s c h o p.

Ic̄ heff, so Dag as Nacht,
Mien Schahp föhrt up de Wisch

Doch, watt hülپ all mien Wacht?
Se sünd nich Flehsch, nich Fisch!

D o d.

De Krieg is nu vörbie,
Di röppt keen Kaiser mehr;
Ich rop' nu, folg du mi,
Un sett di nich to Wehr.

H e r t o g.

Du büsst mi god bekannt,
Ich sach di in de Slagd!
Hier heft du Swert um Hand,
Ich gew mi diener Macht!

D o d.

Man frisch heran, Herr Abt,
Sien Wegern is keen nüg.
Ich heff em ehr ertappt,
Als he de Bischopmüss.

Abt.

Woll wull ic Rohm un Ehr;
So fröh hör ic dien Fleit.
Ic fürcht' man nicks so sehr
As Grawes Gensamkeit.

Dod.

Dien Panzer blink un blank,
Dien Schild, dien Helm un Swert,
Dien Lanzen, spiz un lang,
Hefst doch den Dod nich wehrt.

Ridder.

Du büst de starke Mann,
De rechte Diewerwinner!
Föhr du mi himmelan,
Mien Ehr bewahrt de Kinner.

Dod.

Verlaht dien oll lütt Kluhs,
De di dat Hart verengt,

Un kumm mit mi na Huhß,
Wo di keen Noth mehr drängt.

Carthäuser.

Du büßt mi lang bekannt,
Ich heff oft an di dacht.
Bring mi in't Vaderland
Et geit tum Licht dör Nacht.

Dod.

Du hest den Börgersmann
Wat scharp un stolz trachteert,
Nu künimt de Dod heran,
Datt he di Demoth lehrt.

Burgemeister.

Rath'sdeener, bring em fort!
De Dod is mi verhaft!
O weh! Nicks is mien Wort,
Un ich reis' unverpaft.

D o d.

Du Domherr, dick un fett,
Bon all dat Präbenfräten,
Du hest dat kolle Bett
Woll hehl un gar vergäten?

D o m h e r r.

O Dod, deep is dat Graff,
De gnäter swarte Port;
Hüt hahl mi noch nich aff,
Ich gah so ungehrn föhrt.

D o d.

De Jagd is nu vörbie,
In Wald un Feld is Ruh!
Ich bün de Jäger frie,
Mien Jagd un Wild büst du.

E d d e l m a n n.

Dat Jägerleben was
Mien Acker un mien Plog;

Nu streckst du mi in't Gras,
Un alles is genog.

D o d.

Mien leew Herr Hofmarschall,
He deent mi lang' un truh;
Mien wär'n sien Kranken all,
Nu bring ik em to Ruh.

A r z t.

It is nu all mien Kunst!
Ade, du falsche Welt!
Mien Kunst gung man na Kunst,
Un Kunst, de bröcht mi Geld.

D o d.

Den Geldsack laht man stahn,
Un denk nich mehr daran,
He kann nich mit di gahn,
Du arm verlaren Mann!

Wucherer.

Mien Capital is fohrt,
 De Zinsen sind verweicht;
 Keen Trost gift mi dien Wort,
 Keen Trost, de mi erfreut.

D o d.

Du heft den Büdel hatt,
 De Armen ward di missen;
 Se ward dien weekes Hart
 Noch in Gedanken lüssen.

Kapellan.

Du kümmerst so sanft un god,
 Un maakst mi week dat Kissen;
 Was ick keen ehrlich Blot,
 So brenn' mi dat Gewissen.

D o d.

Du maakst en suhr Gesicht,
 So recht na Amtmanns Art;

Dat rahkt mi awer nich,
Du muſt mit up de Fahrt.

A m i t m a n n .

Ick was en ehrlich Mann,
Un dehd mien Schuldigkeit;
Doch, wat geit di dat an,
Se danſt all na dien Fleit.

D o d .

Vaat du de Ihr man ſien,
Dien Klock de hett all ſlahn;
De Tied is nich mehr dien,
Du muſt nu ſlapen gahn.

K ö ſ t e r .

De Karkenslötel paſt
Nich to de Himmelsdöhr;
Doch glöhw ic̄ ſtiew un fast:
Davör is ok henndör.

D o d.

Dien Räknung is nich klar,
 Un doch maak ick den Strich;
 Wat ick di gähw, is baar,
 Ick borg un pracher nich!

K o p m a n n.

Mien Lewen was Gewinn!
 Was ok Gewinn mien Lewen?
 Dat is mi nich na Sinn,
 Datt ick mi di fall geben.

D o d.

Di ward de Dans nich swar,
 Giff, Broder, mi de Hand,
 Ick bring' di ahn Gefahr.
 In't ew'ge Baderland!

E l u h s m a n n.

Man to, man to, dien Hand
 Is mi een föht Geschenk;

Ich was dem Vaderland
Von je stets ingedenk.

D o d.

Dien Wark is affgedahn,
Spann' ut un legg di dal;
De Sünn' is unnergahn,
Nu blinkt de Himmels-Saal.

Bu hr.

Du kümmt mi to geswind!
Mien Lebensdag was heet;
Doch hög' mi Wief un Kind,
Datt ic̄ de Last vergeet!

D o d.

Du weenst? De Welt is schön!
Se höllt di mit Gewalt!
Harst du se recht beschn,
Ach, du vergehtst se bald.

Jüngling.

Du schonst nich Jung noch Old!
 Harst du een söhle Brut,
 Dien Hart wehr nich so kolt,
 Mien Leben wehr nich ut.

D o d.

Ich mutt, mien leewe Deern,
 Di bidden: Kumm tum Dans!
 Du deihst et woll nich geern,
 Du leewe Bruht im Krans!

Jumfer.

O, alltогrote Noth,
 De mi dör di is kahm,
 Du alltobittre Dod!
 Harst du de Nunn' doch nahm!

D o d

(tum Wegenkind).

Kumm her, in mienem Arm,
 Du söht un schuldlos Kind;

igeklatschtes GWT

De Wasen deckt di warm,
 Di röhrt keen Frost, keen Wind,
 Slahp woll! Wehr so as du
 De Welt verlaten kann,
 De geit getrost to Ruh,
 Un kümmt as Engel an.

An Peter Martin Thun.

Martini 1817.

Ik was in Droom verwäken Nacht
 In Lübeck up den Markt,
 Da stunn de Dreiers as verleden
 Mit ehren bunten Quark,
 De Pennigschieter hög mi recht;
 Man was dat blanke Ding nich echt.

Da dach, wenn ik so eenen harr,
 De't recht von Flessen kunn,
 He schull se klemmen Nacht un Dag,
 Da harr ik bald wat wunn.
 Beel wull ik nich, man dusend Stück,
 Mien was dat Huus, — mien was dat Glück!

Doch dat is man Schietshäterie
 Mit Sorgen sick to slahn;
 En fröhlich Hart ahn Schelmerie
 Lett licht dat Quade gahn.
 Un Arbeit, datt de Puckel knacht,
 Dat is de Koch, de Koken backt.

An Appeln fehlt et nich dit Jahr,
 De Gos de ward woll voll;
 Süß was dat roth backt Tüg so rar,
 Dat maakt mi splitter dull.
 Ich was so suur as dat Krunit,
 Nu bün ic fründlich as de Bruht.

Beel ward doch häter up de Welt,
 — De Nöt un Appeln gar —
 Man Minschen doot to veel vör't Geld,
 Un Ehr un Woort is Waar'.
 „Do du mi dit, ic do di dat,
 Deidst du et nich, so schaft up 't Gatt.“

Un elkehn Minsch de deit dat nich,
 Un kümmt nich up de Been;

Un wenn de Oll' da bawen nich
 Leet mennigs ungeshehn,
 So was de Düwel in Papier,
 Un ich was lewer da as hier.

Mi was de Düwel in Papier,
 Un harst du em nich jagd,
 Un was he nu nich wiet von hier —
 Denn was ich eerst recht plagt,
 Dat lohn' de Oll' di dusendmal
 Hier unner uns in stenen Saal.

Nu Martin Thun,
 Hüt sup di duhn!
 Laat di den Wien
 Vom ollen Rhin
 Befahlen sien.
 As smolten Gold,
 Un glatt as Smolt,
 Un föd un hold
 As Zuckerbolt,
 So geit he 'ninn
 In Hart un Sinn!

Un wenn he di smect, un wenn he di högd
 Denn Ogen un Glas hoch an Häwen,
 Un Bader un Moder, de uns hefft dögd,
 In Lewen un Dod schölt se läwen!
 Un Fru un Kinner, un Lütt un Groot,
 De sett du all up dienen Schoot.

Un küß un narreer
 Un hefft dien Pläseer;
 Un feddel un strakel,
 Un hefft dien Spectakel!

Un wenn du denn di slapen legst,
 Un denkst so henn un her,
 Un denkst an em, de gifft, un segst:
 „Wat will ich noch woll mehr?
 Segt denn een „Amen!“ achter di;
 Dat bünn ich füllwst, dat glöw du mi.“

Martini 1818.

Martin Luther was een Mann,
 Den woll männig leew gewann,
 Un et was in ollen Tieden,
 Datt man Nahms von leeven Lüden
 Bi de Döhp de Kinner gew,
 Als en Teeken von de Leew.
 Unse Vaders weren Lüd,
 De ehr Dag „keen Minschen brüd,”
 Un so'n Mann as Luther wesen,
 Harren se sick utelesen;
 He was grad un dütsh un wahr,
 So was ok uns Vaderpaar.

As wi up de Welt nu kahm,
 Gewen se uns sienen Nahm,
 Datt wi schull'n to allen Lieden
 Nich den Düwel bi uns lieden.

Grad herut, as't uns üm't Hatt,
 Holl wi ümmer swatt vör swatt.

Hüt is Martin Luthers Dag
 Un dat olle Gosgelag ;
 Männig Minsch will gern sick quälen,
 Man hüt mutt de Gos nich fehlen,
 Gott si Dank, uns steit se frisch
 Brungebraden up'n Disch.

Fru un Kinner sitten rund
 Um de Gos un sünd gesund ;
 Schull uns dit dat Hatt nich högen,
 Datt wi hebbfen to genögen ?
 Sorge fehlt nich, dat is recht,
 Süß was of de Höge schlecht.

Broder Martin, swatt blifft swatt !
 Grad herut, as't uns üm't Hatt,

Wöl wi, wat wi hebbien, bringen,
Un mit Martin Luther singen:

Ahn de Wiewer, Wien un Sang
Bliew wi Narren Lebenslang.

Drüm holl wi de Wiewer leew!

— Was ol' Ev' een Alppeldeew —

Wenn se jung, mutt wi se höden,

Datt de Slangen se nich föden,

Denn geit et up rechte Wies'

Un — wi bliew't im Paradies.

Olle Fründ' un ollen Wien

Driewen weg all Quad un Pien;

Laat uns Beide leew behollen,

Nich vertuschen nie un ollen;

Wat wi hebbien, dat is leew!

Wat da kümmt — vilcht een Deew!

Gode Fründ' un Pumpfootlang

Un dabi en goden Sang!

Wer brav arbeit, mutt sick högen,

He si Melkert oder Rögen!

Vaat de Waterrotten gahn,
De dat Leben nich verstahn.

Gröt dien Kinner un dien Fru!
Blew du mi man ümmer tru;
Achteinhunnert acht un föstig
Möt wi, hungerig un döstig,
Fiern dat olle Gosgelag,
Un den goden Martensdag.

Martini 1821.

Ick stah all Jahr hüt för dien Keller
Un blas mien lehgen Dudelsack;
Ick blas nich för dien Muscateller,
Ick blas för nicks ut dienen Keller,
Alleen för di holl ick mien Snack.

Apollo un de Tumfer Musen
De hebbent nicks mit mi to dohn,
Laat se man gahn, de Kunkelfuhßen,
Ick schähr mi'n Hamer üm ehr Fluhßen.
Lach du man to, dat is mien Lohn.

Lach du man to, ick will vergliken:
Dat Jahr is as een Botterblom,

Gerst Sünnenschien, doch de mutt wieken,
Denn witt un kahl. Ich will verglieken:
Tied is en Peert. Hest du den Tohm?

Wat helpt de Tohm, wi laat et lopen,
Un sitten drup, so lang' et geit;
De gode Vader ward uns ropen,
Wenn't Tied is; so lang' laat wi't lopen.
De Vader weet woll, wat he deit.

Un wat he deit, dat schafft uns Segen, —
Laat uns na sienen Willen dohn!
De Minsch will veel mit sienen Brägen,
Wo de't nich deit, nimmt he den Degen,
Un will, he weet nich wat, tum Lohn.

O lehg Gedriew! Wat kost dat Ledder!
De arme Gos, mutt ok dabie!
Se rieten ehr de beste Fedder
Woll ut de Flünk. Wat kost dat Ledder!
Mit Brägen, Degen, Schrieberie!

Ne Broder Martin, laat se maaken!

Wi ähten unse brahden Gös;

Un nehmen ut de Bost den Knaken,

De maakt as Buck noch siene Saken:

Gen Spaß, so föht as Appelmoos.

Un wenn de Buck denn springt, dien Kinner

Sick högen, datt de Balken knackt;

Denn, Broder Martin, denn erinner

Di an de Tied, da wi as Kinner

So platt, as hüt mien Leed, hefft snackt.

Adjüs, ich wünsch di idel Godes,

Holl leew dien Kinner, leew dien Fru;

Wat di ok kümmt, bliew godes Modes

Adjüs, ich wünsch di idel Godes!

Mien Dudelsack un ich sünd tru.

Sind du gaudi noch soz' man 'munt' so,
 Lest' du dat hi' und' innent' noch
 noch tot' thand' dat' gaudi gaudi 'gut' so,
 munt' räthe sun' doot' nill'
 munt' us' innent' zu gaudi gaudi dog' so,
 gaudi noch tot' mi' gaudi räthe' lügen' so

Martini 1824.

„Bedröwte Tied, recht lehge Tied!“
 So brummt dat allerwegen.
 Da helpt nu Arbeit nich noch Fleit,
 Dat blifft uns all ahn Segen.
 Dat Geld geit ut de Christenheit!
 Wie heft man Been' — de Jud' de Fleit.

„De Jungens sind rein splitterdull,
 De wöhlt de Welt regeren;
 Bett an den Hals von Wisheit vull,
 Mehnt se to reformeren.“
 Vernünft'ge Lüd' heft ümmer Freud',
 Un lachen, wenn en Kükken freih!
 Asmus, platt'd. Gedichte.

Ich brumm' nich veel, wat hülپ mi dat?
 Wat kümmt, kann ich nich möten!
 Ich sorg' nich veel; Sorg' drückt dat Hatt,
 Un ward uns nicks versöten.
 Ich gah mien Gang, un kümmt en Steen —
 Wupps! dröwer weg, un stöt keen Töhn.

Un kümmt de Martensdag heran,
 Da mutt ich di wat singen;
 Scholmeister ward en Leiermann
 Un lett de Olsch mal klingen.
 Holl du dien Ohren man nich to;
 Ich sing dat lustig — hör du't so!

Martini 1825.

Wer hüt na'n lübschen Mark henn geit,
 De führt den Martensmann da stahn,
 Un köfft vör siene Jungs een Fleit,
 De Deerns een Popp, een lütten Hahn;
 Bringt dat to Huhs, un itt sien Gos
 Mit Plum'n in'n Alars un Appelmoos.

Wer hüt na 'n dörptschen Mark henn geit,
 De führt den Martensmann nich stahn,
 De köfft vör siene Jungs keen Fleit,
 De Deerns keen Popp, keen lütten Hahn;
 Bringt nicks to Huhs, un itt sien Gos
 Mit Kohl in'n Alars, ahn Appelmoos.

Da gift dat Plum'n, hier Suurkruut.
 Mien leewe Martin, dat is wahr,
 Mi wöllt se nich tum Kopp herut
 De Plum'n, um't sünd all veertein Jahr.
 Ich denk noch mennig mal daran,
 An Plum'n un Fleit un' Martensmann.

Verleeden was't doch leewe Tied,
 As wi noch lütte Jungens weern,
 As noch uns Möhm mit Leew un Flet
 Uns Büxen flick mit swatten Tweern
 As wi noch güng'n na Düwelsort
 Ut unsers Baders Achterport.

Dat was een Leben: All bi'n Ball,
 Un Tunnband drieben, Allmarall,
 Un pöhnt een, nimm een, Alapenkros,
 Un güng' nu gar dat Schleistern los
 Un Flick up Flick, un Hack up Hack,
 Denn schleistern wi mit Hack un Mack.

Wo is doch all uns Speeltüg blewen?
De Pietsch womit wi Küsel drewen?
Wo is de Ball, wo is de Draak?
Wo is Herr Maaz, de ole Snaak?
Dod is Herr Maaz, de ole Snaak,
Nu dod is Küsel, Ball un Draak.

Nu is dat anners. Sitten Gäst
De sünd vör uns dat Allerbest;
Dien' in de Stuw', mien' in de School',
Mien' up de Bänk', dien' up'n Stohl.
Erhölt uns Gott gesund dabie,
So sünd wi ok von Sorgen frie.

So gröt ic̄ di mit truem Sinn
Un wünsch di Alles wat di högt,
Ic̄ gröt dien' Fru ok, fahrt ehr Kinn
Un küß se, de dien Kinner dögt.
Oh, kom uns doch de Martensmann
Nech so en föftigmal heran.

Dat Vagel-Scheeten.

Personen.

Lüders, Klempner.

Lehntrienken, sien Fru.

Lieschen, sien Dochter.

Bruder, Kleensmidt.

Marielen, sien Fru.

Jochen, sien Söhn.

Klempau, Köster.

Fritz, Klempnerjung.

Hans-Narr.

Jungen, Volk, Schütten.

1.

(Vor Bruders Hause halten mehrere Kutschen.
Er tritt aus dem Hause, um den Hals die silberne
Schildkette mit dem Vogel; seine Frau begleitet ihn
bis zur Thür.)

Bruder

(zur Frau, ihre Hand in der seinigen haltend).
Adjüs, mien Deern! Hüt is de lezte Dag,
Datt ic̄ mien Huhs mit Prunk verlaaten mag.
Bald ward de grote Büß den nieden König wählen,
Müch doch dat Glück den Rieken nich versählen!
De Königs-Maltied drückt den armen Mann:
He ward en Schelm, un deit mehr as he kann.
Mit Fräterie beginn wi alle Saken,
Dat End' find' uns bie Hungerpod un Knaken.
Dat Döhnken von dem Fatt, dat nich to füllen is,
Dat is de Magensack, dat glöw ic̄ ganz gewiß.

Marielen.

Mien leewe Mann, et was di doch en Ehr,
Du büsst et eenmal west, un nu nich mehr.

Br u d e r.

Adjüs, mien Wiew, kumm du mit Jochen nah,
Dat Wäder loct, un gode Fründ fünd da.

(Er steigt in den Wagen.)

Die J u n g e n schreien:

Pinke, panke!

Smädknaht!

H a n s = N a r r .

Still, Jungen, still! Des Königs Majestät
Fühlt sich im Königsschmuck und seidnen Strümpfen
Durch Frau Fortuna über euch erhöht
Und würdigt euren Spott durch Nasenrümpfen.

Die J u n g e n.

Du Blaffersnut, jökt di dien Lappenjack?
Jan Blaufink, wahr dien Muul vör losen Snack!

H a n s = N a r r .

Ihr Vögel aus des Ganges schmutz'gem Nest,
Nehmt dies auf Abschlag! —

(Er schlägt mit der Britsche drein und springt schnell
hinten auf die Kutsche.)

Nächstens kommt der Rest.

Die J u n g e n

(mit großem Geschrei hinterdrein):

H a n s = N a r r ! Für in de Prük ! Blaffersnut !

Hier is Geld!

Di hett de Hund im Büdel sätan!

2.

(Schützenhof. Einsamer Platz, beschattet von alten Linden.)

Hans-Narr.

(Kommt durch's Gebüsch gesprungen.)

Ein Augenblick der Ruhe wär' erhascht!

Im Narrenkleid ist Ruhe wie verpascht!

Es müht sich Jung und Alt mich daß zu reiben,
Und mir den Witz, den derben, auszutreiben.

Ihr eigner Narr, der sie erfüllt und treibt,

Der ihnen stets das Hirn mit Nesseln reibt,

Wird nicht gespürt, bleibt ihnen unbewußt;

Und dennoch führt er sie nach seiner Lust.

O, wüßten sie's, daß mich die größte Noth

In diese Schellenkappe eingesezt,

Sie reichten mir und Weib und Kindern Brot

Und ließen mir das Herz wohl unzerfetzt.

Da kommen sie! Sie finden leicht die Spur!

Das bunte Kleid prahlt weit auf grüner Flur.

Die Jungen.

Hans=Narr, kummin her!

Du Blaufink, Blaffersnut!

Wi schenken di düß blaue Zuckertut.

Hans=Narr. (Nimmt sie.)

Ihr Schelme ihr! Was habt ihr denn darin?

Die Jungen.

Kumfect, Kumfect! Wi hefft nicks Quad's im Sinn!

Hans=Narr.

(Indem er sie öffnet, lachen die Jungen, und er wirft ihnen die Rosäpfel in's Gesicht.)

Wohl tragen böse Buben böse Frucht,

Die Pritsche zahlt! Huzzah! risch auf die Flucht!

(Er treibt sie vor sich her.)

Lieschen und Tochen kommen Arm in Arm.

(Während des Gesprächs hin und her wandelnd.)

Tochen.

Bald, bald, mien Deern, künmit uns de grote
Dag,

Denn büsst du mien, bald künmit dat Köst=Gelag.

Dat Meisterstück, en Karkenflott, is klar,

Ahn Makel ist', en Kunststück ganz un gar.

Denn gah ic henn, begehr di as mien Fru.

Dien Öllern segt woll Ja! Wat segst denn du?

Lieschen.

Du kennst mien Hart, wat mien is, dat is dien!
Un all mien Ländag' will ic̄ tru di sien!
Mien leewe Jung! Hier is de Hand, slag in!

Tochen.

Ic̄ legg' mien Hand, mit Gott, in dien' henin!

Lieschen.

Wat uns ok̄ künmit, wi wölt et rüſtig drägen;
Frähm, fletig wölt wi sien; Gott gifft den Segen.

Tochen.

Nu bünnt ic̄ lustig, Lieschen, du büſt mien;
Im Paradies kunnt woll nich häter sien.

(Gehen ab.)

3.

Lehntrienken un Marieken.

(Von der andern Seite kommend.)

Lehntrienken.

Da geit et henn, dat leewe junge Blot,
Mien Dochter un dien Söhn, se sünd sick god.
Se häwelt recht, vor Hägen un vor Lust,
Dat maakt, se sünd sick gar nicks Quad's bewußt.

Marielen.

Mien Jochen hett sien Meisterstück all maakt,
 Nicks fehlt, as datt de Fru de Supp em kahlt,
 Un wenn uns' Mannslüd' nich dagegen sünd,
 So hefft wi öwert Jahr all Kinneskind.

Lehntrienken.

Mien Lieschen is en flietig, brave Deern,
 In Kök un Kamer is se gar to geern,
 Is rennlich as en Katt un nett un drall,
 Blifft geern to Huhs, löpt nich up jeden Ball.
 Dien Jochen kann sien Huhs up ehr grunderen,
 Se ward em Glück un God mit Lust vermehren.

Marielen.

Ick segg woll Amen! Jochen is mi leew;
 En gode Fru verdeent de leewe Deew.

Fritz (kommt gelaufen.)

Fru Meisterin, en Drahp=Lock is ju Mann!
 He plier un schöht, de Kugel flög daran,
 De Rump kehm los un knall uns för de Föt';
 Strackt was he König! Föhlt ji, wat dat heet?

Lehntrienken.

O, Jede di! Fritz, heft du mi verfehrt!
 Is dat ok wahr? Hest du di nich verhört?

Fris.

Mien Meister Lüders is doch woll zu Mann?
 Da künnt Herr Klempau un Hans-Narr heran,
 De ward zu seggen, datt he König is.
 Si sünd nu Königin, dat is gewiß.

4.

Klempau (de Köster) un Hans-Narr.

Klempau (mit vielen Bücklingen.)

Ich wollte ehr, Fru Badder, gratuliren,
 Seyn se vergnögt ob düffen Königsschuß,
 Bald wird ehr Herr Gemahl sick präsentiren
 Als König, na des Schicksals hohem Schluß.
 Ich bün vergnögt, as auf dem Baum en Heister,
 Daß meines Fründes Huhs hüt so florirt,
 Ich seh' in Freuden meinen Fründ und Meister
 Von allen Schütten höchlich honorirt.
 Dat is mein Stolz, mein Dickdoon över Maten,
 Wenn meinen Fründen solche Ehr passirt,
 Ich weiz mi fast vor Freuden nich to laaten,
 Daß mi de Tung ok heute kaum parirt.

Lehntrienken.

Ich dank em, Klempau, oll lütt leewe Fründ!
Wo wär een Minsch well so as he gesinnt?

Hans = Narr

(in ehrerbietiger Stellung).

Das Glück ist rund, damit es leicht sich regt,
Und durch sein Rollen alle Welt bewegt.

Wenn es dem Einen heut' die Hände bent
Und ihm den Pfad mit Rosen hold bestreut,
Ihn, mehr als tausend Andre, hoch erfreut,
Und Freud an Wonne, Wonn' an Reichthum reiht,
Jedweden Tag durch süße Lust erneut;
Nimmt es dem Andern auch die kleinste Lust,
Tagt ihm der Kränkung Dolche in die Brust,
Daz es sich sehnt aus diesem Jammerthal,
Um frei zu sein von jeder Noth und Qual.
Euch, Gütigste, ist Frau Fortuna hold,
Als zöge sie von Euch den schönsten Sold;
Sie überschüttet Euch mit Freud' und Lust,
Hängt Königsschmuck an Eures Gatten Brust,
Erfüllt Euer Haus mit neuem Glanz,
Und treibet Euch zu Festgelag und Tanz.
Ein Jeder eilt, fast athemlos, herbei,
Mit edeln Anstand, mit erwählter Treu,

Bringt seinen Glückwunsch aus des Herzens
Grund.

Auch mich, den Narren, führt des Glückes Rund
Vor Euer Antlis, nehmt den Glückwunsch an,
Ein Narr spricht wie ein Kind, spricht wie er kann.

Lehntrielenken.

Hans-Narr, em sitt de Tung am rechten Ort,
Sien Wunsch was lang, doch was't een fründlich
Wort.

Laat uns nu gahn, den König gratuleren,
He is en goden Mann um leewt dat flattereren.
Marieken, ji sünd still, ji günt uns doch dat
Glück?

Marieken.

Gewis, ik günn' ji noch een gröter Stück.

(Alle gehen ab.)

5.

(Im Saale der Schützen.)

Lüders, Bruder, Jochen, Hans-Narr,
 Fritz, Lehntrenken, Marienken, Lieschen,
 Schützen.

(Anständig und zweckmäßig gruppirt.)

Lüders.

Versammelte, mien gode Schüttenbröder!
 De Schuß is dahn, de König steit nu da:
 Ich bünne een Mann in bona, miene Göder
 Sünd god un fast, mi was dat Glück stets nah.
 Ich will uns' Recht un Egendom regeren
 Als et von Ollers her de König dahn.
 Nu köhnt ji mi, ju füllwest ok gratuleren,
 Wo is de Pumpfot? Laat umher em gahn.

Schüttenbröder.

(Indem der Pokal die Runde macht.)

De König hoch! Hoch, hett to Stehrn un Mahn!
 Mag em un uns dat Leben rüstig gahn!
 Un Fru un Kinner mötten lang uns leben!
 Hoch! Dree Mal hoch! So hoch, hett an den Heben!

Bruder.

(Nimmt die Schildkette ab und hängt sie dem neuen König um.)

Mien Rieck is ut, mien Glanz is nu vörbie!

All' Jahr ward uns de König wedder nie!

Di hett dat Glück von föstig ute sehn,

Du fast vöran nu, as de König, teen.

Lüders.

Düß Dag is hell, un ick bünн hoch vergnögt,

Datt et dat Schicksal so mit uns hett fögt.

Doch wöl wi noch up unse Kinner sehn,

Un unse Freude mächtig hoch erhöhn.

Da steit dien Söhn, em brennt de Oogenstehn,

He har' mien Dochter, un se har' em geern.

Slag in, se sünd, in Gottes Nam', een Paar,

So denk wi noch an hüt woll mennig Jahr!

Bruder.

Topp! Broder, Topp! Du meenst dat tru un god!

So legg wi denn to hop uns ehrlich Blot!

(Die jungen Leute umarmen sich, Mütter und Väter segnen sie; Glückwünsche regnen von allen Seiten.)

Schlußgesang.

(Mel. Es kann schon nicht immer so bleiben.)

Woll mennig een geiht man up Rosen,

Assmus, plattd. Gedichte.

De Anner up Distel un Doorn,
 Wer klok is, de lett sickt nich kümmern,
 Denn öwerall wast, Gott Loff, Koorn.

Le hntrienken.

Drüm soll wi wat wesselt nich lawen,
 Wat Glück is, geit up un geit dal;
 Sick ehrlich, maneerlich, ernähren,
 Dat lawt sick von füllwst alltomal.

Bruder.

Un wat ok de Himmel hett geben,
 De Kinner sünd ümmer dat Best'!
 Denn, wenn wi nich mehr sünd am Leben,
 Se seggen doch, datt wi sünd west.

Marieken.

Un wenn uns de Himmel will hägen,
 So maakt he de Kinner uns god,
 Un gifft se den Kopp vull mit Brägen,
 Un Backen, as Rosen so roth.

Tochen.

Wenn Öllern dat Leben so malen,
 Wie fühmen nich, ok so to dohn;
 Wi hoffen, de Himmel gifft Kinner,
 Ok uns is dat herrlicher Lohn.

Lieschen.

Ich heff woll, as Brunt, nicks to wünschen,
Mi lacht hüt dat Leben recht an,
Süß ded' mi noch ümmer wat fehlen,
Doch nu nich, ward Jochen mien Mann.

Frisch.

O! mi hett dat Glück nich vergäten,
Mien Meister is König gewiß!
Ich deen nu den König, verstah ji?
Ich föhl, wat dat heet, wat dat is!

Klempau.

Ich seh nicks as freudige Menschen,
Wie is mi das Leben so licht!
Wat wünsch' ich der Freude! Man Duhr!
Woran es ehr öfter gebracht.

(Alle gehen, gepaart und geschaart, ab.)

Hans-Marr. (Allein.)

Es kann schon nicht Alles so bleiben,
Jetzt zieh' ich das Narrenkleid aus;
Und nimmer, das glaubt mir, erscheine
Ich wieder als lustiges Haus.
Die Kappe, sie sollt' mich beleben,
Die Jacke den Witz mir verleihn,
Doch eben in diesem Bestreben

Da lag meine Narrheit allein.
 Verzeiht es dem Lügner, dem Schneider,
 Stets spricht er: Das Kleid macht den Mann.
 Sprecht selber, ihr Gönner, ihr Reider!
 Sah mir man den Narren wohl an?
 Wie Mancher spielt ohne die Schellen
 Den Narren mit großem Applaus!
 Mich seht ihr, beliebte Gesellen,
 Nie wieder als lustiges Haus.

(Der Vorhang fällt.)

Kruusdullen.

An mien Vijol.

Na, man herünner von de Wand,
 Mien oll lütt leew' Vijol!
 Du hest mi högt so mennig Tied,
 Ich heff di speelt mit Lust un Fliet,
 Mien oll lütt leew' Vijol!

Verleden was ich binnenkloft,
 Ja, wat de Drost nich deit!
 Da dacht ich Wunner wat dat wehr,
 Wenn ich di keddel henn un her,
 Ja, wat de Drost nich deit!

Nu weet icke aber, datt de Niem
 Nich den Poeten maakt.

Doch hüt, Bijol, hüt is wat los,
 Hüt sing' wi von de Martensgos;
 Dat is wat, dat uns räkt.

Gröl nu man to! De't hören soll,
 Is Peter Martin Thun.

De is nich so een Upsternat,
 He nimmit den Willen för de Daht,
 Drup köhn wi twee woll buhn.

An Martin.

Martin Luther, de Held, he smet dem Düwel
 dat Blackfatt,

As he em kehm in de Neeg, datt et man rastert,
 an'n Grind!

Martin heeten wi of! He mach sick säkerlich
 hödden,

Kümmt he uns mal in de Dwas, krigt he dat!
 Wat et of is.

An Lübeck

(unner veer Oogen).

Ollsch! nu sünd wi alleen, nu laat noch ins mit
di klöhnen,

Weder, wat deist du di dict, mit dien niefränsch
Kledahsch!

Pladdütsch spräk ic mit di, dat mach di hüt nich
verdreten,

Du vergittst mi de Sprak! Weest du ok recht
wat du deist?

Schäm di, datt du di schämst üm dien Kantusch
un dien Pladdütsch.

Denk' an de Tieden torüch, as di et leew wehr
un werth.

An Peter Martin.

Gott Loff! bie di is't alltomal,
Recht wendig un lebendig.

De Wachtschal geit woll up un dal,
Dien' Dook dat ligt sick ok nich kahl,

Dat Supen geit up Düwel hahl.
Hest Händel wenig, Handel veel,
Un — wo man mahlt, da stöwt dat Mehl!

An de Gos.

Datt de Minschen di föhdt, um di to plücken, to
äten,
Nimm du dat man nich quad: egen Slag dohd
se dat ok.

Dat Vaderland.

Wo wi ok sünd, wi denkt na Huhs,
Dat Hart füwst na dem Vaderland,
Un se sünd all' mit uns verwand,
De uns von em bringt Kuß un Grus.

Dat Vaderland, wat haven is,
Dat tüd uns ok to Tieden sehr,

Un röpt de Vader, wahr un wis,
Denn töwen wi ok stracks nich mehr.

He weet de Tied, un wi sünd still,
Doch denken dran, is uns nich wehrt,
Un künmit de Bad', „nu ja, ic̄ will,"
Da laat ic̄ Wief un Kind un Heerd.

De Tied.

Da sitt en Bagel up den Ast,
O, griept em doch un holl em fast!
Dat gript sick wat! da geit he fleiten! —
De Tied is ok so'n hillen Gast,
Se holst de Docter süsswist nich fast.
Un mennig Minsch hett gar keen Tied,
He hett man nicks as luter Fliet,
Hett veel to dohn, nicks to verrichten.
Tied is as Geld; wenn wi't verstahn,
Kann Stoof soveel as Loof verslahn.

Kätelböhters.

1.

An Lübeck.

Ümmer noch heff ic̄ di leew, o, segg', wer kann
mi dat wehren?

Wenn ic̄ dien Brot ok̄ nich äht, sing ic̄ doch
ümmer dien Leed!

2.

Dom.

Stah du man fast, stah fast un laat de Gäbel
nich fallen,

Denk du stadig daran, wat se dien Nahbersch
hefft dahn!

3.

Pahpenstraat.

Als mien' rechte Hand Finger, mehr hest du nich
Hüser,

Alwer ic̄ leew di! In een hett mi de Aldebahr
fett.

4.

Düwelsgrußt.

Gehr̄ noch denk ic̄ an di un an dien köhlichen
Schatten,

Klipp! un „Lohp nu to Mahl!“ röh̄p ic̄ un löh̄p
ic̄ in di.

5.

Waaknīß.

Du büſt de Kinner ehr Lust, un büſt dat Summer
un Winter:

Denn in Bagels un Fisch' katerst de Jungsens
du ümm.

6.

Bagelscheeten.

Hans=Narr! kumm doch herut! Du Blaffersnut,
brennt di de Prühk hüt?
Sieh, da töwen de Jungs, töwen de Ollen up di!
Ne, he kümmt nu nich mehr! Wer will de bunte
Jack' anteen?

Narren gifft et woll noch, awer, bunt fünd se
nich mehr!

7.

Slukupp.

Moder, wo düber de Bahrs? Wat maakt denn
de Bull nu to Slukupp?
Schufkaaren maakt he, si Deew! Sett ju nin,
fahrt na de Höll!

8.

Isreelsdörp.

Kumm, hüt wöl wi in't Holt! Wenn't god geit,
giffst et to danzen,

Klarinet humpelt ehrt henn, awer de Müggen
sünd da!

Maandach gah wi nich henn, denn is mengeleerte
Gesellschaft,

Wwer, den Donnersdach drup, smekt uns lütt
Englisch un Aal.

Peter Martin Thun an Martin Asmusz.

Du hest den Fliet recht düchtig dräven.

Ick dank di sehr för dat, wat du noch nich hest
schräben.

R e g i s t e r.

	Pag.
Börwark	1
Dat Damp-Schipp	3
Dat Leed von de Trawe	19
Dat Leed von den Hirsch	26
De Dodendans to Lübeck	37
 An Peter Martin Thun.	
Martini 1817	54
Martini 1818	58
Martini 1821	62
Martini 1824	65
Martini 1825	67
Dat Bagel-Scheeten	70
 Kruisdullen.	
An mien Vijol	85
An Martin	86
An Lübeck	87
An Peter Martin	—
An de Gos	88
Dat Vaderland	—
De Tied	89

Pag.

Kätelböhters.

An Lübeck	90
Dom	—
Bahpenstraat	91
Düwelsgrufft	—
Waaknijz	—
Vagelscheeten	92
Slukupp	—
Isreelssdörp	93
Peter Martin Thun an Martin Asmus	94

ESTICA

A-4420

Druck von W. Steinmüller in Düben.

www.books2ebooks.eu